



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum die Martis septimâ
Februarii M. DCC. XLI.

M. URBANO LEAULTE', Antiquo Facultatis
Decano, nec-non Academiæ Censore, & Antiquiore
Scholarum Magistro, Doctore Medico, Præsidente.

As ut omnium Secretionum causa tritus, sic materies Lympha?

I.



SECRETIO, anticipatis fermentissarum opinionibus magis, quam rei ipsi accommodatum nomen, non pravi à puro, inutilis ab utili, ab excrementitio alibilis divortium; sed partis à parte, homogenei ab homogeneo, à succo denique nutritio succi nutritii detractio & est & haberi debet. Corporis pars nulla Secretionis experts. Ab universo erumpit utraque transpiratio. Sua cuique sedes propria, peculiare organum. Præcipua inter secreta annumerandi spiritus animales, si qui sunt, saliva, lacrymæ, cerumen aurium, mucus, lac, bilis, succus pancreaticus, urina, semen, lympha; quæ omnia simul atque separata sunt à sanguine ejiciuntur, vel propria confluent in receptacula, donec sponte sua, aut voluntatis ad arbitrium foras eliminentur. Secretiones non inchoant fermenta, diversa non percipit cribrorum figura,

non humor analogus, non Chymicorum lanas mentitæ fibræ sanguinis; sed idus solidorum perpetuo alterni partes sanguinis dividunt, divisas separant arteriæ in conos deductæ, ejiciendis quæ separatæ sunt partibus innumera patent spiracula. Fermenta jam pridem explosa sunt nata repugnante naturâ commenta. Quod secernitur liquidum cum sit non solidum ad omnes habile formas, cujuscunque figuræ meatibus sese accommodat. Inutilis ergo non minus, quàm impossibilis pororum diversitas. Humor analogus nihilo convenientior cum circuitu sanguinis quàm fermenta. Has natura sententias respuit, quas error excogitavit, fovere præjudicia, pertinacia retinuit; quas denique sistematum inventores & fautores, dum sibi naturam, non se naturæ subicere student, ad mentem suam non ad veritatem effinxere, ut expeditent quo tandem artificio natura heterogeneum ab heterogeneo segregaret. Quid si homogeneum ab homogeneo? Non longe enim ambages: quæcunque pars sanguinis ad ductus excretorios poterit appellere, eam solam secerni necesse est.

I L.

PARTES in sanguine insunt omnino duæ ut stabilitate, ita & colore dissimiles, rubra & alba. Hæc sive intra vasa conclusa, sive extra effusa sponte sua fluit, illa vi liquefcit alienâ, sibi quæ relicta cogitur in grumæ, quieris parvis infelices: hæc denique tenuiores fibræ proximum corporis nutrimentum, illâ continentur grandiores jugi solidorum tritus in alibiles succos comminuenda: Pars utraque communi vehiculo aquâ sic diluitur, ut in alterius ab alterâ divortio quidquid est tenuioris sive fibræ, sive succi, sive salis aquam sequatur, proprioque lymphæ nomine gaudeat. Crescat ingentem in molem sanguis, quamque fovet animale æconomiam pessumdet necesse est, ni quantum in dies accedit novæ substantiæ, tantum providentiæ naturæ vel artis detrahat. Naturæ via secretio. Hinc corporis pars omnis non elaborandis magis præterlabentibus humoribus, quam ejiciendis ne redundent invigilat; quæque atterit vis, attrita applicat in partes, eadem superflua, quâ data porta, protrudit foras. Vigeat igitur ad secretionum integritatem fibrarum robur & elater, secernendus ne crassescat liquor, expeditusque sit exitus, & ut decet patens. Fibrarum validæ oscillationes sanguinem in tenuissima vasa impellunt, cujus subtilissima pars & ab aliarum consortio facillimè dissociabilis nullo negotio exiles motus pervadit, & ni quid exitum intercludat, extrâ circuitus sanguinis vias elabitur.

I F L.

UNIVERSA solidorum compages circulus, in quo nihil est extremi, medii nihil. Tibi tamen cor ea pars esto quæ principium eadem, eadem finis habeatur; unde sanguis per arterias saturatur dives opum pabula cunctis laturus partibus, & quò per venas inops redeat novis reitaurandus subsidiiis. Accipe jam solers naturæ ludentis artificio. Quas arterias vocant canales multifidi ore hiant in cor simplici, eoque satis amplo. Hæc vitale flumen libero primum labitur alveo, nullis coercitum angustiiis, nullâ fractum mole: deinde verò discedentibus à trunco ramis amplioribus, atque ab his minoribus alijs, pullulat ab unâ quasi radice ingens circulatorum luxuries, quæ paulatim & legibus certis in exiles tenuantur tubulos, donec ad summæ tenuitatis modum ducti sint; tunc sui ubique similes miris convolvuntur

modis. Nunc variis in amfractus & sinuosa volumina densantur, nunc tene glomerantur in orbes, emittuntque hinc ductus excretorios, inde vasis lymphaticis præbent originem; deinde remeant ad cor conflatis iterum in venas qui diducti fuerant arteriarum ramulis. Conicam esse vides arteriarum figuram; hanc quoque formam induet sanguis in has adactus angustias. Verum non omnis pars illius æquè cordis atque arteriarum verberibus regî docilis, non æquè sectilis, non ductilis æquè, sed pars rubra, fibra crassiores, & quæcunque tenaciùs coherrent crebris allisa obicibus, perpetuis fracta retinaculis paulatim inhihent impetum: atque ubi neque jam in angustiores protrudi vias, neque ultra attenuari possunt, propter nimiam partium coherrentiam, debilibusque prorsus iis in locis ac ferè nullam arteriarum vim; per parentiores ductus hinc & inde derivatos cursum expeditiorem nacla cõferuntur; dùm alba, serosa, tenuiores succi, sales aqua soluti, lymphæ denique ab aliarum partium nexibus lubrico sese lapsu extricat, & per arctissimum coni apicem serpit, Dardaleosque subit amfractus, & mille ambages. emensa, mille attrita molibus subigitur ulterius, atque in varias formas elaboratur. Pars inde per vasa lymphatica in sanguinem revehitur, pars ductus ingressa excretorios effluit, quod superest recta in venas continenti properat alveo.

I V.

STUPENDUM quàm simplici apparatu, quàm multiplices natura molitur effectus. Aspice quid distent corpora corporibus; quid liquida discrepent duris, frigida calidis; quanta saporum, quanta sit odorum diversitas; colorum & sonorum pene infinita varietas: has tamen discrepantias sola facit figura partium, moles, situs, motus & quies. Quorsum hæc si queris? ut intelligas nihil à te effici, qui colores saporésve diversos in nos objicis? horum enim effector tritus qui ut in artefactis contingit, discernendarum partium situm, & figuram aliasque proprietates variè immutat. Hoc panificium, hoc ars probat culinaria, hoc evincunt Pictores, hoc ipsi Chymici: proterendi scilicet & subigendi modo diversi elaborantur saporés, variè concinnantur colores. Sapiens itaque si à solâ triturâ, & meatuum capacitate diversâ non secretionés tantùm, sed & earum discrimina repetas. At enim cur tenuia per parentiores ductus non effluunt, utriusque transpirationis materies per urinæ vias, per bilis urinæ, &c. effluunt sanè cum appellant, sed aliâ tum formâ alioque donantur nomine. Qui per renes sudor descectit, urinæ est & dicatur; quæ per jecur urinæ, bilis, &c. Hinc auctâ transpiratione minuitur urinæ, &c. Adeo pars sanguinis eadem, ad omnia corporis iacernicula allabitur, formâ verò à cribris accedit multiplex.

V.

NON eadem bilis quæ secretorum à sanguine humorum aliorum conditio. Hi ab arterioso sanguine, à venoso illa, eoque puriori lymphæ parte spoliato separatur. Quem enim ad hepar sanguinem advehit portarum vena reducenti ab aliis visceribus crassus est & tardigradus admodum lymphæque biliosos in ductus emittit segnem, inertem, limosam; quam ubi jecur accepit fibris, ne præ lentore hæreat, usque premit mortificibus, cogit ac confundit, perque tortuosos canales, innumeras vesiculas, capsulas, fibras

4

contextas validissimis égregiè comminuendam transmittit, saporemque ipsi tritu inurit amarum, tritu flavum inducit colorem. Vides ut in aquarum vorticibus centrum spuma petat & quæcunque pars indocilis moveri cò deprimitur, dum reliquæ cò recedunt longiùs, quò sunt ad motum expeditiones. Quidni lymphæ, extremas arteriarum convolutiones præterlabens, iisdem in orbem circumagatur legibus, dissimilesque partes educant circumferentiæ centrique ductus excretorii. Lympham fecerni solam incredulus negas, nec, nisi videris adduci unquam poteris ut credas? Arma oculos, intue te propiùs, & rem videbis ipsam.

Ergò ut omnium secretionum causa tritus sic materies Lympha.

DOMINI DOCTORES DISPUTATURI.

M. Joannes-Ludovicus Chomel, Medicus Regis ordinarius.

M, Antonius Casamajor.

M. Claudius de la Vigne de Frecheville, Medicus Regis & Domus Regiæ ordinarius.

M. Hyacinthus-Theoderus Baron, Regii Exercitiis in Insulâ Corsicâ Medicus ordinarius.

M. Raymundus de la Rivière.

M. Joannes-Damianus Chevalier, Regis Consultarius Medicus ordinarius in Insulâ Sancti Dominici.

M. Ludovicus-Maria Pouffe.

M. Franciscus-Josephus Hunauld, Regiæ Scientiarum Academiæ & Regiæ Societatis Londinensis Socius, in Horto Regio Anatomies & Chirurgiæ Professor ac Demonstrator.

M. Claudius Brunet.

Proponebat Parisiis URBANUS DEVANDENESSE, Parisinus;
Baccalaureus Medicus. A. R. S. H. 1741, à sextâ ad meridiem,

Typis QUILLAU, Universitatis & Facultatis Medicinæ Typographi.